



苑詩類選卷之二十七

明監察御史包節輯按察司知事前給事中王交校

悲悼部

送葬墳墓第宅
懷古遺跡挽歌

○傷王融

沈約

元長秉奇調弱冠慕前蹤眷言懷祖武一簣望成峯塗
艱行易跌命舛志難逢折風落迅羽流恨滿青松

傷常侍讀

張正見

懷經傳北海蘊又盛西河高峯落迴照逝水沒金波柳
下悲風急山陽秋氣多宿草催書帶寒松脆女蘿無復
華陰市空餘蒿里歌

傷周處士

庾信

冥漠爾遊岱淒涼余向秦雖言異生死同是不歸人昔
余仕冠蓋值子避風塵望氣求真隱伺關待逸民忽聞
泉石友芝桂不妨身悵然張仲蔚悲哉鄭子真三山猶
有鶴五柳更逢春遂令從渭水投釣往江濱

傷顧野王

江摠

獨酌一尊酒高詠七哀詩何言高里別非復竹林期塔
荒鄭公草戶聞董生惟人隨朝槿落客共晚鷺悲年鬢
兩如此傷心詎幾時

和張記室源傷往

前人

少婦當壚夜失壻凱師年正歌千里曲翻入九重泉機
中未斷素瑟上本留絃空悵臨窓掩孤燈向壁燃還悲
寒壟樹松短未生烟

傷顧學士

孔紹安

迢遞雙嶠道超忽三川湄此中俱失路思君不可思遊
人行變橘逝者遠焚芝憐惜江湖上同詠子衿詩何言
陵谷徙翻驚隣曲悲陳根菲席卉總悵異書帷與善成
空說織良信在茲今日嚴夫子哀命不哀時

悼亡

薛德普

鳳樓簫曲斷桂帳瑟絃空畫梁繞照日銀燭已隨風苔

生履跡處花沒鏡塵中唯餘長簾月未夜何朦朧

傷始平李少府正已

褚亮

勞息本相循悲歡理自均誰能免玄夜惜爾正青春邁
德惟家寶生才諒國珍高文綴翡翠茂學掩麒麟述作
紛無已言談妙入神斷腸雖累月分手未盈旬輔嗣俄
長往顏生即短辰聲華滿昭代形影吊窮塵禪草迴中
使生芻引吊賓同遊祕府日方駕直城闈並拜黃圖右
分曹清渭濱風期姬呂好存歿范張親虛座憐王述遺
編勒景純精靈與毫翰千祀壽何人

在隴頭哭潘學士

前人

隴底嗟長別沅襟一慟君何言幽咽所忽作死生分轉
蓬飛不息悲松斷更聞誰能駐征馬迴首望孤墳

傷裴錄事喪子

王勃

蘭階霜候早松路空臺深魄散珠胎沒芳銷玉樹沉露
文晞宿草烟照慘平林焚芝空嘆息雷恨滿籬金

哭金部常郎中

盧照隣

金霄初受拜玉地始含香翻同五日尹遽見一星亡歲
時賓徑斷朝暮雀羅張書畱魏王閣魂掩漢家牀徒令
永平帝千載罷撞郎

哭明堂裴主簿

前人

締歡三十載通家數百年潘楊稱代穆秦晉忝婚連風
雲洛陽道花月茂陵田相悲共相樂交騎復交筵始謂
調金鼎如何掩玉泉黃公酒壚處青眼竹林前故琴無
復雪新樹但生烟遽痛蘭襟斷徒令寶劍懸客散同秋
葉人亡似夜川送君一長慟松臺路幾千

同崔錄事哭鄭貞外

前人

文學秋天遠郎君星位尊伊人表時彥飛譽滿司存楚
席光文雅瑤山侍討論鳳詞凌漢閣龜辯罩周園已陪
東岳駕將逝北溟鯤如何萬化盡空歎九飛魂白馬西
京驛青松北海門夜臺無曉箭朝奠有虛尊一代儒風

沒千年隴霧昏梁山送夫子湘水吊王孫僕本多悲淚
露裳不待援聞君絕絃曲惆悵更無言

哭故人

喬知之

生死久離居淒涼歷舊廬歎茲三徑斷不踐十年餘古
木巢禽合荒庭愛客踈匣留彈罷劍牀積讀殘書玉沒
終無像蘭言強問虛平生不得意泉路復何如

哭僕射鄂公楊再思

李义

端揆凝邦績台階闡國猷方崇大厦棟忽逝巨川舟白
日銘安在清風頌獨畱死生息命畢零落掩山丘

又

趙彦昭

兩揆光天秩三朝奉帝熙何言集大鳥忽此喪元龜生
歎公槐落行聞宰樹萎壑舟今已去寧有濟川時

哭郎著作

鄭愔

詩禮康成學文章賈誼才已年人得夢庚日鳥為災書
草葺天閣琴聲入夜臺荒階羅駁蘚虛坐網浮埃白馬
賓徒散青鳥壠隧開空憐門下客懷舊幾遲迴

過沈居士山居哭之

王維

楊朱來此哭桑扈返於真獨自成千古依然舊四隣閑
簷喧鳥雀故榻滿埃塵曙月孤鶯轉空山五柳春野花
愁對客泉水咽迎人善卷明時隱黔婁在日貧逝川嗟

爾命古井嘆吾身前後徒言隔相悲詎幾晨

哭祖六自虛

時年十八

前人

否極嘗聞泰嗟君獨不然惻凶纔稚齒羸疾至中年餘
力文章秀生知禮樂全翰畱天帳覽辭入帝宮傳國訝
終軍少人知賈誼賢公卿盡虛左明識共推先不恨依
窮轍終期濟巨川才雄望羔鴈壽促背貂蟬鵬起長沙
賦鱗終曲阜編生前不忍別死後向誰宣為此情難盡
彌令意更纏本家清渭曲歸壑舊坐邊永去長安道徒
開京兆阡旌車出郊甸鄉國隱雲天送客哀難進征途
泥復前贈言為挽曲奠席是離筵念昔同携手風期不

暫捐琴聲縱不沒終亦斷悲絃

哭李尚書之芳

杜甫

漳濱與蒿里逝水竟同年欲掛留徐劍猶迴憶戴船相
知成白首此別間黃泉風雨嗟何及江湖涕泣然脩文
將管輅奉使失張騫史閣行人在詩家秀句傳客亭鞍
馬絕旅襯網虫懸復魄昭立遠歸魂素滻偏推蘇封塋
地喉舌罷朝天秋色凋春草王孫若個邊

哭長孫侍御

前人

道為詩書重名因賦頌雄禮闈曾擢桂憲府舊乘驄流
水生涯盡浮雲世事空唯餘舊臺栢蕭瑟九原中

傷陸處士

皇甫曾

從此無期見柴門對雪開二毛逢世難萬恨掩泉臺返
照空堂夕孤城吊客迴漢家偏訪道猶畏鶴書來

傷蔡處士

釋護國

篋中遺草是琅玕對此空令洒淚看三逕尚餘行跡在
數螢猶是映書殘晨光不借泉門曉暝色唯添壠樹寒
欲問皇天天更遠有才無命說應難

○和旻上人傷果禪師

楊炯

淨業初中日浮生大小年無人本無我非後亦非前簫
鼓旁喧地龍蛇直映天法門摧棟宇覺海破舟船書鎮

秦王餉經文宋國傳聲華周百億風烈破三千蕪沒青
園寺荒涼紫陌田德音殊未遠拱木已生烟

哭道士劉無得

沈佺期

聞有玄都客成仙不易祈蓬萊尚清淺桃杏欲芳菲縮
地黃泉出昇夫白日飛少微星夜落高掌露朝晞吐甲
龍應出銜符鳥自飛國人思負局天子惜披衣花月留
丹洞琴笙下翠微嗟來子桑扈爾獨返於幾

悼正弘禪師

孟浩然

池上青蓮宇林間白馬泉故人成異物過憇獨潛然既
獲新松塔還尋舊石筵平生竹如意猶挂草堂前

傷峴山雲表觀主

前人

少小學書劍秦吳多歲年歸來一登眺陵谷尚依然豈
意滄霞春溢隨朝露先因之問問里把臂幾人全

哭護國上人

張謂

昔喜三身淨今悲萬劫長不應歸此斗多是向西方舍
利衆生得袈裟弟子將鼠行殘藥椀虫網舊繩牀別起
千花塔空留一草堂支公何處在神理竟茫茫

題靈佑和尚故居院

劉長卿

艱逝翻悲省此身禪房寂寞見流塵六時行逕空秋草
幾日浮生哭故人風竹自吟遙入磬雨花隨淚共霑巾

殘經窓下依然在憶得山中問許珣

○和崔司功傷姬人

楊炯

昔時南浦別鶴怨寶琴絃今日東方至鸞消珠鏡前冰
流衝砌咽月影向窓懸粧匣棲餘粉薰爐滅舊烟曉庭
摧玉樹寒帳委金蓮佳人不再得白日幾千年

和樊晉陵傷妾

陰鏗

畫梁朝日盡芳樹曉花辭忽以千金笑長作九泉悲鏡
前塵劇粉機上網多絲戶餘雙入燕牀有一空帷名香
不可得詎見反魂時

傷曹娘二首

宋之問

可憐寂寞去何之獨立丰茸無見期君看水上芙蓉色
却似生前歌舞時

其二

前溪妙舞今應盡子夜新歌遂不傳無復綺羅嬌白日
只將珠玉閉黃泉

以上傷悼
凡三類

○和陽侯送袁金紫葬

張正見

玄泉開燧道白日照佳城一朝嗟此路千載幾傷情秋
氣悲松色淒風咽挽聲歸雲向谷晚還柳背山輕唯當
三五夜壟月暫時明

送吳法師葬

庾信

龍泉今日掩石洞即時封玉匣摧談柄懸河落辯鋒香
爐猶是柏塵尾更成松郭門未十里山迴已數重尚聞
香閣梵猶聽竹林鍾送客風塵擁寒郊霜露濃性靈如
不滅神理定何從

送觀寧侯葬

王褒

蒙羽高峻極淮泗導清源刑茅廣裂地附萼盛開蕃紛
綸彤臚綵從容瓊玉溫衝飈搖栢幹烈火壯曾崑疇昔
同羈旅辛苦涉涼暄觀風方聽樂垂淚遽傷魂造舟虛
客禮高閣掩賓垣桂樹思公子芳草惜王孫今晨向郊
郭猶似背轅轅丹旒書空位素帳設虛樽焚琴南操絕

韋書舊說存西廡傷新樹東陵惜故園自憐悲谷影彌
愴玉關門餘輝盡天末夕霧擁山根平原看獨樹皋亭
望別村寂寥還蓋靜蒼茫歸路昏挽鐸已流唱歌童行
自喧騰言千載後誰將遊九原

望送魏徵葬

唐太宗

閭闔揔金鞍上林移玉輦野郊愴新別河橋非舊餞慘
日映峯沈愁雲隨蓋轉哀笳時斷續悲笙乍舒卷望望
情何極浪浪淚空泫無復昔時人芳春共誰遣

哭嚴僕射歸觀

杜甫

素幔隨流水歸舟返舊京老親如宿昔部曲異平生風

送蛟龍兩天長驃騎營一哀三峽暮遺後見君情

送開府姪隨故李使君旅襯却赴上都

劉長卿

征西諸將莫如君報德誰能不顧勲身逐塞鴻來萬里
手披芳草看孤墳擒生絕漠經胡雪懷舊長沙哭楚雲
歸去蕭條灞陵上幾人看塋李將軍

送魏六侍御葬

皇甫冉

哭塋寒郊外行將何所從盛曹徒列栢新墓已栽松海
月同千古江雲覆幾重舊書曾諫獵遺草議登封疇昔
經三事常期老一峯門臨商嶺道窓引洛城鍾應積泉

中恨無因世上逢招尋偏見厚踈慢亦相容張范唯通
夢來羊豕絕蹤誰知長卿疾歌賦不還邛以上送葬

○經陳思王墓

庾肩吾

公子獨憂生丘壠擅餘名採樵枯樹盡犁田荒墜平寧
追宴平樂詎想謁承明且余來錫命兼言事結成飄飄
河朔遠颭颭颶風鳴鴈與雲俱陣沙將蓬共驚柘桑落
古社寒鳥思孤城隴水哀葭曲漁陽慘鼓聲離家來遠
客安得不傷情

行經孫氏陵

何遜

水龍忽東驚青蓋乃西歸榻來易永久年代暖煙微苔

石疑文字荆墳失是非山鷲空曙響壘月自秋暉銀海
終無浪金鳧會不飛閨寂今如此望望露人衣

遊潮山哭古冢

虞騫

長林帶朝夕孤嶺枕江村疎松含白水密篠滿平原荒
墳改凍葉低壠變年根西光長檟落促爾膝前尊

行經古墓

陰鏗

偃松將古墓年代理當深表柱應堪燭碑書欲有金迴
墳由路毀荒隧受田侵霏霏野霧合昏昏壠日沉懸劍
今何在風楊空自吟

過徐君墓

無名法師

延陵上國返枉道訪徐公死生命忽異懽娛意不同始
往邛山止聊踐平陵東徒解千金劍終恨九泉空日靜
荒郊外烟生松柏中何言愁寂寞入暮白楊風

聘齊經孟嘗君墓

陳昭

薛城觀舊跡征馬屢徘徊盛德今何在唯餘長夜臺蒼
茫空壠路顛顛古松栽悲隨白楊起淚想雍門來泉戶
無關吏雞鳴誰為開

春夕經行留侯墓

盧思道

少小期黃石晚年遊赤松應成羽人去何忽掩高封踈
蕪枕絕野邈迤帶斜峰墳荒隧草沒碑碎石苔濃狙秦

懷猛氣師漢挺柔容盛烈芳千祀深泉閉九重夕風吟
宰樹逢光落下春逢令懷古客揮涕獨無蹤

幸秦始皇陵

唐中宗

眷言君失德驟邑想秦餘政煩方改篆愚俗乃焚書阿
房久已滅閣道遂成墟欲厭東南氣翻傷掩擊車

過張平子墓

駱賓王

玉卮浮藻麗銅渾積思深日往豐碑暗風來古木吟唯
嘆窮泉下終鬱羨魚心

過始皇墓

王維

古墓成蒼嶺幽宮象紫臺星辰七曜隔河漢九泉開有

溘人寧渡無春鴈不迴更聞松韻切疑是大夫哀

行次昭陵十二韻

杜甫

舊俗疲庸主羣雄問獨夫讖歸龍鳳質威定虎狼都天
屬尊堯典神功協禹謨風雲隨逸足日月繼高衢文物
多師古朝廷半老儒直詞寧戮辱賢路不崎嶇往者災
猶降蒼生喘未蘇指麾安率土盪滌撫洪鑪壯士悲陵
邑幽人拜禹湖玉衣晨自舉石馬汗嘗趨松柏瞻靈殿
塵沙暗暝途寂寥開國日流恨滿山隅

吊王將軍墓

常建

嫖姚北伐時深入幾千里戰餘落日黃軍敗鼓聲死常

言漢飛將可奪單于壘今與山鬼隣殘兵哭遼水

昭君墓

前人

漢宮豈不死異域傷獨設萬里馱黃金蛾眉為枯骨
車夜出塞立馬皆不發共恨丹青人墳上哭明月

經漂母墓

劉長卿

昔賢懷一飯茲事已千秋古墓樵人識前朝楚水流
蘋行客踐山木杜鵑愁春草茫茫綠王孫舊此遊

經徐侍郎墓

顧况

不知山吏部墓在石橋東宅兆鄉關異平生翰墨空
夜泉無曉日枯樹足悲風更想幽冥事唯應有夢同

墳墓

○過康王故第苑

劉孝威

入梁逢故苑度薛見餘宮尚識招賢閣猶懷愛士風
靈光一超遠行館復朦朧洞門餘舊色甘棠留昔叢
送禽悲不去過客慕難窮池竹徒如在林堂暖已空
遠樓隔樹出迴澗隱巖通芳流小山桂塵起大王風
具物咸如此是地感余衷空想陵前劍徒悲壘上童

行經范僕射故宅

何遜

旅葵應蔓井荒藤已上扉寂寂空郊暮無復車馬歸
澗灑故池水蒼茫落日暉閒寂今如此行客盡霑衣

入元襄王第

蕭子範

伏軾窺東苑收淚下王橋昔時方轂處於今共寂寥
夾池猶裊裊仙樹尚迢迢一同西廡栢徒思芳樹蕭

和前

王筠

昔入睢陽苑連步披風雲今遊故臺處回望閒無聞
皓壁留餘篆蕙圃有遺芬行人皆隕涕何獨孟嘗君

遊故苑

釋洪偃

龍田遊故苑汾水結餘波悵望傷游目辛酸思緒多
寒烟慘高樹凝露變輕蘿澤葵猶帶荇池竹尚侵荷
秋風徒自急無復白雪歌

南還尋草市宅

江摠

紅顏辭鞏洛白首入轅轅乘春還故里徐步採芳蓀
徑毀悲求仲林殘憶巨源見桐猶識井看柳尚知門
花落空難遍鴛啼靜易喧無人訪語默何處敘寒溫
百年獨如此傷心豈復論

奉和東宮經過故妃舊殿

江摠

故殿看看冷空階步步悲猶憶窺窓處還如解佩時
苔生無意早燕入有言遲若令歸就月照見不須疑

還山宅

楊思道

暮春還舊嶺徒倚玩年華芳草無行逕空山正落花
垂簾掃幽石卧柳礙浮槎鳥散茅簷靜雲披澗戶斜
依然

此泉路猶是昔烟霞

過故宅

元行恭

頽城百戰後荒宅四隣通將軍樹已折步兵途轉窮吹
臺有仙鳥歌庭聒夜虫草深斜逕滅水盡曲池空林中
送明月是處來春風唯餘一廢井尚夾兩株桐

過史正議宅

宋之問

舊交此零落雪泣訪遺塵劔几傳好事池臺傷故人國
香蘭已歇里樹橘猶新不見吳中隱空餘江海濱

過庾信宅

張說

蘭城追宋玉舊宅偶辭人筆涌江山氣文驕雲雨神包

胥非救楚隨會反留秦獨有東陽守來嗟古樹春

過故斛斯校書莊

杜甫

此老已云沒隣人嗟未休竟無宣室召徒有茂陵求妻
子寄他食林園非昔遊空餘總帷在淅淅野風秋

長沙過賈誼宅

劉長卿

三年謫宦此棲逢萬古唯留楚國悲秋草獨尋人去後
寒林空見日斜時漢文有道思猶薄湘水無情吊豈知
寂寞江山正搖落憐君何事到天涯

過湖上觀王右丞遺文

司空曙

舊日相知盡深居獨一身閉門空有雪看竹永無人每

許前山隱曾憐陋巷貧題詩今尚在暫為拂流塵

洛川懷古

劉希夷

萋萋春草綠悲歌牧征馬行見白頭翁坐泣青竹下感
歎前問之贈余辛苦詞歲月移今古山河更盛衰晉家
都洛濱朝廷多近臣詞賦歸潘岳繁華稱季倫紫澤春
草菲河陽亂華飛綠珠不可奪白首同所歸高樓修冥
滅茂林久摧折昔時歌舞臺今成狐兔穴人事互消亡
世路多悲傷此邨是吾宅東岳為我鄉君看此邨道
紫蔓草芳

巫山懷古

前人

巫山幽陰地神女艷陽年襄王何容色落日望悠然歸
來高堂夜金缸焰青烟頽想卧幡席夢魂何翩翩搖落
殊未已榮華倏徂遷愁思瀟湘浦悲涼雲夢田猿啼秋
風夜鴈飛明月天巴歌不可聽聽此益潺湲

峴山懷古

陳子昂

秣馬臨荒甸登高覽舊都猶悲墮淚碣尚想卧龍圖城
邑遙分楚山川半入吳丘陵徒自出賢聖幾凋枯野樹
蒼烟斷津樓晚氣孤誰知萬里客懷古正踟躕

白帝懷古

前人

日暮滄江晚停橈問土風城臨巴子國臺沒漢王宮荒

悲情詩
卷三十一
服仍周甸深山尚禹功巖懸青壁斷地險碧流通古木
生雲際歸航出霧中川途去無限客思坐何窮

商洛山行懷古

張九齡

園綺值秦末嘉遁此山阿陳跡向千古荒途始一過碩
人久淪謝喬木自森羅故事昔嘗覽遺風今豈訛沁泉
空活活樵叟獨皤皤是處清輝滿從中幽興多長懷赤
松意復憶紫芝歌避世辭軒冕逢時解薜蘿盛明今在
運吾道竟如何

再登河陽城懷古

朱延

客遊倦旅思憇駕陟崇墉元凱標竒跡安仁擅美蹤遠

近濁河溜出浸青山峯佇想空不極懷古悵無從

月夜金陵懷古

李白

蒼蒼金陵月空懸帝王州天文列宿在霸業大江流綠
水絕馳道青松摧古丘臺傾烏鵲觀宮沒鳳凰樓別殿
悲清暑芳園罷樂遊一聞歌玉樹蕭瑟後庭秋

秋夜獨坐懷古

前人

少隱暮安石遠遊思子平天書訪江海雲卧起咸京入
侍瑤池宴出陪玉輦行誇胡新賦作諫獵短書成但奉
紫霄顧非邀青史名莊周空說劍墨翟論兵拙薄遂
踈絕歸閑事耦耕顧無蒼生望空愛紫芝榮寥落暝霞

色微茫舊壑情秋山綠蘿月今夕為誰明以上懷古

○過嚴君平古井

鄭翼

嚴平本高尚遠蹈古人風賣卜成都市流名大漢中舊井改人世寒泉久不通年多既罷滌無禽乃遂空如何屬秋氣唯見落雙桐

望郢州城

沈炯

魂兮何處返非死復非僊坐柯如昨日合石未淹年歷陽頓成浦東海果為田空憶扶風詠惟見峴山傳世變才良改時移民物遷悲哉孫驃騎悠悠哭彼天

遊梁城

盧思道

揚鑣歷汴浦迴扈入梁墟漢藩文雅地清塵賸有餘賓遊多任俠臺苑盛簪裾歎息徐公劍悲涼鄒子書亭臯洛照盡原野泣寒初鳥散空城夕烟銷古樹踈東越嚴子陵西蜀馬相如修名竊所慕長謠獨課虛

過故鄴

段君彥

玉馬芝蘭北金鳳鼓山東舊國千門廢荒壘四郊通深潭猶有菊酒井半生桐粉落粧樓毀塵飛歌殿空雖臨玄武觀不識紫微宮年代俄成昔唯餘風月同

和周記室遊舊京

孫萬壽

大夫愍周廟王子泣殷墟自然心斷絕何關繫慘舒余

本漳濱士舊國亦淪胥紫陌風塵起青壇冠蓋踈臺雷
子建賦宮落仲將書譙周自題柱商容誰表閭聞君懷
古典同病亦漣如

秋晚登古城

李伯藥

日落征途遠悵然臨古城頽墉寒雀集荒堞晚鳥驚蕭
森灌木上迢迢孤烟生霞景煥餘照露氣澄晚清秋風
轉搖落此志安可平

夕次舊吳

駱賓王

維舟背楚服振策下吳圻盛德弘三讓雄圖抗九圍黃
池通霸迹赤壁暢戎威文物俄遷謝英靈有盛衰行嘆

鳴夷沒遽惜湛盧飛地古烟塵暗年深館宇稀山川四
望是人事一朝非懸劔空畱信忘珠尚識機鄭風遙可
託關月眇難依西北雲逾滯東南氣轉微徒懷伯通隱
多謝買臣歸唯有荒臺路薄暮濕征衣

初冬從幸漢故青門應制 沈佺期

漢皇建都邑渭水對青門朝市俱東逝墳林共北原荒
涼蕭相國蕪沒邵平園全盛今何在英雄復重論故基
仍岳立遺堞尚雲屯當極土功壯安知人力煩天遊戒
東首懷昔駐龍軒何必金湯固無如道德藩微臣諒多
幸參乘偶殊恩預此陳古事敢奏興亡言

過漢故城

吳少微

大漢昔未定強秦猶擅場中原逐鹿罷高祖鬱龍驤經
始謀帝座茲焉壯未央規模窮棟宇表裡設城隍群后
崇長樂中朝贈建章勾陳被蘭綺樂府奏芝房翡翠明
珠帳鴛鴦白玉堂清晨寶鼎食閑夜鬱金香天馬來東
道佳人傾北方何其赫隆盛自謂保靈長歷數有時盡
衰平嗟不昌冰堅成巨猾火德遂頽綱與位匪虛校貪
夫竟速亡鬼神吁社稷豹尾關巖廊金狄移霸岍銅盤
向洛陽君王無處所年代幾荒涼宮闕誰家域榛蕪賢
我裳井田唯有草海水變為桑在昔高門內于今岐路

旁餘基不可識古墓列成行狐兔驚颺颺鴟鳥赫猶狂
空城寒日晚平野暮雲黃烈烈焚青棘蕭蕭吹白楊千
秋并萬歲空使詠歌傷

經江寧覽舊跡至玄武湖

張九齡

南國更數世北湖方十洲天清華林苑日晏景陽樓果
下迴仙騎津傍駐綵旂鳧鷖喧鳳管荷芰鬪龍舟七子
陪詩賦千人和棹謳應言在鎬樂不讓橫汾秋風俗因
紆慢江山成易由駒王信不武孫叔是無謀佳氣日將
歇霸功誰與修桑田東海變麋鹿姑蘇遊否運爭三國
康時列九州山雖幕府在館豈豫章留水淀還相閱菱

歌亦故道雄圖不足問唯想事風流

登越州城

孫逖

越嶂繞層城登臨萬象清封圻滄海合鄧閑鑿湖明曉
日漁商滿芳春棹唱行山風搖美箭田雨潤香稷闕閱
英靈盡人閑吏隱并贈言王逸少已見曲池平

丹陽行

前人

丹陽古郡洞庭陰落日扁舟此路尋傳是東南舊都處
金陵襟帶碧江深在夕風塵起京都亂如燬雙闕戎虜
間千門戰場裡傳聞一馬龍南渡衣冠亦願從石頭橫
帝里京口拒戎鋒青楓林下迴天蹕杜若洲前轉國容

都門不見河陽樹輦道唯聞建業鍾中原悠悠幾千里
欲掃攙搶未云已英雄傾奪何紛然一盛一衰如逝川
可憐宮觀重江裡金鏡相傳三百年自從龍見聖人出
六合車書混為一昔年王氣今何在併向長安就堯日
荆榛古木閉荒阡共道繁華不復全赤縣唯餘江樹月
黃圖半入海人烟暮來山水登臨遍覽古愁吟淚如霰
唯有空城多白雲春風淡蕩無人見

金陵

李白

六代興王國三杯為爾歌苑方秦地小山似洛陽多古
殿吳花草深宮晉綺羅併隨人世滅東逝與滄波

長寧公主舊山池

丁仙芝

平陽舊池館寂寞使人愁
座卷疏黃簾垂白玉鈎
庭閑花自落門閉水空流
追想吹簫處應隨仙騎遊

南原望漢宮

司空曙

荒原空有漢宮名
衰草茫茫雉堞平
連鴈下時秋水在
行人過盡暮烟生
西陵歌吹何年別
南陌登臨此日情
故事悠悠不可問
寒禽野水自縱橫

雲夢故城秋望

戎昱

故國遺墟在登臨想昔遊
一朝人事變千載水空流
夢渚鴻聲晚荆門樹色秋
片雲凝不散遙掛望鄉愁

巫山之陽香溪之陰明妃神女舊跡存焉

蔣冽

神女歸巫峽明妃入漢宮
搗衣餘石在薦枕舊臺空
行雨有時度溪流何日寤
至今詞賦裏悽愴寫遺風

題沈黎城

權澈

蘇子卧北海馬翁渡南洲
迹恨事乃立功達名遂休夜
聞羽書至召募本邊州
鐵騎耀楚甲玉匣轉吳鈎
雪厚群山凍蓬飛荒塞秋
久戌曷辭苦數戰期封侯
不學豎儒輩一經垂白頭

○孝敬皇帝挽歌

劉禕之

戒奢虛蜃輅錫號紀鴻名地叶蒼梧野途經紫婺城重
照掩寒色晨飈斷曙聲一隨仙驥遠雪露愁陰生

○文德皇后挽歌

李伯藥

徘徊兩儀殿悵望九成臺玉輦終辭宴瑤篴遂不開野
曠陰風積川長思鳥來寒山寂已暮虞殯有餘哀

又

朱子奢

神京背紫陌縞駟結行輶北去橫橋道西分清渭流寒
光向壑沒霜氣入松秋今日泉臺路非是濯龍遊

則天皇后挽歌二首

崔融

霄陳虛禁夜夕臨空山陰日月昏尺景天地慘何心紫

殿金鋪溢黃陵王座深鏡奩長不啓聖主淚霑巾

其二

前殿臨朝罷長陵合葬歸山川不可望文物盡成非陰
月霾中道軒星落太微空餘天子孝松上景雲飛

○梁宣王挽詞二首

宋之問

貴藩堯母族外戚漢家親業重興王際功高復辟辰愛
賢唯報國樂善不防身今日衣冠送空傷置醴人

其二

像設千年在平生萬事違綵旂翻葆吹圭鬣奠靈衣
日寒無影郊雲凍不飛君王畱此地駟馬欲何歸

魯忠王挽詞二首

前人

同盟會五月歸葬出三條日慘咸陽樹天寒渭水橋稍
看朱鷺轉尚識紫驕驕寂寂泉臺恨從茲罷玉簫

其二

樹羽迎朝日撞鍾望早霞故人悲宿草中使慘晨笳氣
看衝天劍星無犯斗槎唯餘孔公宅長接魯王家

范陽王挽詞二首

前人

賢相稱邦傑清流舉代推公才掩諸夏文體變當時實
吊翻成鶴人亡惜喻龜洛陽今紙貴猶寫太冲詞

其二

贈秩徽章洽求書秘草成客隨朝露盡人逐夜舟驚蒿
里衣冠送松門印綬迎誰知楊伯起今日重哀榮

○樂大夫挽歌二首

駱賓王

蒿里誰家地松門何代丘百年三萬日一別幾千秋返
照寒無影窮泉凍不流居然同物化何處欲藏舟

其二

一旦先朝茵千秋掩夜臺青烏新兆去白馬故人來草
露當春泣松風向夕哀寧知荒隴外吊鶴自徘徊

丹陽刺史挽詞二首

前人

百靈嗟倏忽一旦附山河丹桂消亡盡青松哀思多薰

風應聽曲薤露反成歌自有藏舟處誰憐隙駟過

其二

惻愴恒山羽留連棣萼篇佳城非舊日京兆即新阡城郭三千歲丘陵幾萬年唯餘松柏壠朝夕起寒烟

馬武騎挽歌二首

李嶠

五日皆休沐三泉獨不歸池臺金闕是尊酒瑋筵非巷靜遊禽入門閑過客稀唯餘昔年鳳尚繞故樓飛

其二

昔下天津館常過帝子家夜傾金屋酒春舞玉臺花試馬依紅埽吹簫弄紫霞誰言東郭路翻枉北門車

武三思挽歌

前人

玉匣金為縷銀鈎石作銘短歌傷薤曲長暮泣松扃事往昏朝露人亡拆夜星忠賢良可惜圖畫入丹青

戶部尚書崔公挽詞

崔融

八座圖書委三台章奏盈舉杯常有勸曳履忽無聲市若荊州罷池如薛縣平空餘南斗劍天子曙高明

韋長史挽歌

前人

日落桑榆下寒生松柏中冥冥多苦霧切切有悲風京兆新阡濶扶陽甲第空郭門從此送荊棘漸朦朧

故趙王屬贈黃門侍郎上官公挽詞二首

宋之問

韋門旌舊德班氏業前書謫去因丞相歸來為婕妤周
原鳥相塚越嶺鴈隨車溟漠辭昭代空憐賦子虛

其二

絲車隨帝子青瑣翊宸機昔往朝歌騎今虛夕拜闌柳
河悽晚曲薤露濕靈衣一厝窮泉閉雙鸞遂不飛

秦州薛都督挽詞

崔湜

十里絳山幽千年汾水流碑傳門客建劔是故人留隴
樹烟含夕山門月對秋古來鍾鼎盛共盡一蒿丘

贈司徒豆盧府君挽詞

蘇頌

寵贈追胡廣親臨比賀循幾閤投誅客多會服總人草
閉墳將古松陰地不春二陵猶可望存沒有忠臣

崔尚書挽歌

張說

相宅隆坤寶承家占海封庭中男執鴈門外女乘龍鳴
玉遊三省擬金侍九重一朝賓客散畱劔在青松

崔司業挽詞

前人

像設存華館威儀下墓田鳳池傷舊草麟史泣遺編帷
蓋墟烟没干旌隴日懸古來埋玉樹流恨滿山川

眉州康司馬挽詞

張九齡

家授專門學人稱入室賢劉楨徒有氣管輅獨無年謫

去長沙國竟歸京兆阡從來匣中劍埋沒罷衝天

故太子太師徐公挽歌四首

王維

功德冠群英彌綸有大名軒皇用風后傳說是星精就
第優遺老來朝詔不名畱侯常辟穀何苦不長生

其二

謀猷為國相翊贊奉宸輿劍履升前殿貂蟬託後車齊
侯疏土宇漢室賴圖書僻處畱田宅仍纔十畝餘

其三

舊里趨庭日新年置酒辰聞詩鸞渚客獻賦鳳樓人此

首辭明主東堂哭大臣猶思御朱轡不惜汗車茵

其四

久踐中台座終登上將壇誰云斷車騎空憶盛衣冠風
日咸陽慘笳蕭渭水寒無人當便殿應罷太師官

故西河杜太守挽詞

前人

天上去西征雲中護北平生擒白馬將連破黑鵬城忽
見芻靈苦徒聞竹使榮空畱左氏傳誰繼卜商名

故僕射裴公挽歌三首

岑參

盛德資邦傑嘉謀作世程門瞻駟馬貴時仰八龍榮罷
市秦人送還鄉絳老迎莫埋丞相印畱着傳玄成

其二

二府瞻高位三台喪大賢禮容還故絳寵贈冠新田氣
歇汾陰鼎魂飛京兆阡先時劍已沒壠樹久蒼然

其三

富貴徒言久鄉閭歿後歸錦衣都未着丹旆忽先飛哀
挽辭秦塞悲笳出帝畿遙知九原上漸遠吊人稀

○故北平公主挽歌

上官儀

木落園池曠庭空風露寒北里清陰絕南垓芳草殘遠
氣猶標劍浮雲尚寫冠寂寂琴堂晚秋陰入井翰

高密長公主挽歌

前人

湘渚韜靈跡娥臺靜瑞音鳳逐清簫遠鸞隨幽鏡沉霜
處英華落風前銀燭侵寂寞平陽館月冷洞房深

永秦公主挽歌

吳兢

穠華從婦道釐降適諸侯河漢天孫合瀟湘帝子遊關
雎方作訓鳴鳳自相求可嘆凌波變東川遂不流

天官崔侍郎夫人盧氏挽歌

李嶠

寵服當年盛芳魂此地窮劍飛龍匣在人去鵲巢空簾
愴孤生竹琴哀半死桐唯當青史上千載仰嬪風

高安公主挽詞

李乂

賓衛儼相依橫門啓曙扉陰靈蟾兔缺仙影鳳凰飛一
水秋難度三泉夜不歸況臨青女節瑤草更前腓

章懷太子靖妃挽詞

沈佺期

彤史佳聲載青宮懿範留影將鸞鏡隱魂伴鳳笙遊送
馬嘶殘日新螢落晚秋不知高里曙空見隴雲愁

天官崔侍郎夫人盧氏挽歌

前人

借老言何謬香魂事永違潘魚從此隔踈鳳宛然飛埋
鏡泉中暗藏燈地下微猶憑少君術髣髴覩容輝

玉清公主挽詞

張謂

學鳳年猶小乘鸞日尚賒初封千戶邑忽駕五雲車地
接金人岼山藏玉女家秋風何太早吹落禁園花

故太常卿贈禮部尚書李公及夫人挽歌二

首

蔣渙

白簡常持憲黃圖復尹京能標百郡則威肅一朝清典
秩崇三禮臨戎振五兵更聞傳世業才子有高名

其二

封樹遵同穴生平此共歸鏡埋鸞已去泉掩鳳何飛薤
露凝笳曲松風思翟衣易名將寵贈泉路滿光輝

以上挽歌

苑詩類選卷之二十七終



卷二十七

三十九

